



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五五七

鐙味齋詩存五卷 曹宗瀚 撰

一

恩暉堂詩集六卷恩暉堂帖體詩三卷恩暉堂律賦一卷 王藻 撰

五五

繼雅堂詩集三十四卷 陳僅 撰

一五五

求志居集三十六卷附外集一卷 陳世鎔 撰

四三三

證味齋詩存

開雕于歲豐子已
冬歲事于己未春

鐘味齋詩存

序

放翁云青鐙有味似兒時先生以類其齋吁是可_以知
先生之志矣先生前後在諫院十餘年無赫赫名_嘗語
_冰曰爲國家諫臣當務其大者遠者大且遠又多古人
所已言今之言率纖屑苛細無補政治若假言事爲拊
擊人材報復嫌怨地甚非所以稱朝廷用諫官之意雖
然先生不言則桃李之芳言則鳳皇之鳴吾是以知先
生學道人也宋儒於文苑儒林之外更求所以尊程朱
諸子者而道學之名始立夫學何可不篤而道何可不
宏然而私立名號收召生徒別白是非黨伐同異與人
爭毫忽疑似之間求必勝而後已此何異諫官門戶之
見哉先生長於_冰者二十年爲兩世紀羣之交自侍見
顏色以來喜愠不形於面而臧否不挂於口者蓋數十
年猶一日撫畜弟姪如護蘭芽潛修冥冥不知無悶固
未嘗知先生能詩也歲壬子又遇先生於京師出詩一
冊見示並命_冰校而存之夫古今來風雅流傳幸而爲
東林香山之藏者幾何不幸而傳非其人化爲烏有者
比比而然也乃數年來奔走東南蒿目時艱登陴誓衆
骨騰肉飛中懷之鬱塞可想丁巳冬之官虔陽其地山
明水淑避寇者多家焉風鶴稍紓鳴絃有暇取先生詩
反覆而諷攜之溫潤者其色而和平者其聲烝民之詩

曰吉甫作誦穆如清風六月之詩曰侯誰在矣張仲孝

友先生其古吉甫張仲之流本孝友爲文章者與抑其

性之雍容和易有聖門氣象生而使然者與或曰先生

儀人也生於文獻之邦大河橫前嵩山在陽又嘗遊秦

華泛富春江山不平之氣有以激發其懷抱雖然先生

歸而遊京師小閣疎窗熒然鐙火夕霏暮雨德馨其室

循覽茲卷翛然塵外嗟乎士苟修其行業優遊於孝弟

忠信六教之間雖終身無所設施其不言而附益治化

與名公鉅人何異予於序先生詩特發明此義以爲世

之峭厲自意者告焉他日奉觴撰屢從先生吟嘯於山

登味齋詩存

序

二

溪桑麻之間陶陶然不知老之將至然後歎放翁之實

獲我心也已題曰朗朗六虛遙遙故園空山無人歲暮

天寒吾隨先生讀書百年先生拂琴蒼翠滴林先生焚

香陽春抱房先生詠月河漢夜碧先生進酒民物貽耆

倘南山大田之可誦兮吾將毀車殺馬以從先生於東

阜之東同郡周沐潤謹序

鐘味齋詩存卷一

古儀曹宗瀚風樵

西門行

西郊足桃李北山有松柏松柏抱古心桃李多豔色豔
色豈不好所嗟非勁直朝爲春風榮暮已不堪摘我冰
方如山萬物失其職此時望松柏挺然不受逼

陌上桑

青青陌上桑桑葉隨風揚二月桑葉綠八月桑葉黃桑
葉逐時改君行無定方采桑取蠶絲爲君織衣裳妾命
如葉薄妾心如絲長

登味齋詩存

卷一

一

夜夜曲

淒淒秋月清去年送夫戍邊城人道邊城寒且苦夫婿
一去無歸程今年月照簾櫳靜不見鴛鴦見孤影攬鏡
自覺春華殘登樓益怯秋光冷爲郎辛苦擣寒衣妾心
欲共秋雲飛秋雲飛飛何處落落向郎旁問歸期玉門
關遠殊風俗欲寄音書多反覆明年月圓郎應還莫照
空閨人獨宿

關山月

一片關山月含愁照高樓照人多歡娛照妾多煩憂憂
深欲誰語脈脈當清秋不辭擣衣倦遙望銀漢流征夫

方萬里君恩何時酬

怨歌行

皎皎秋月明來照妾顏色對月不勝情垂簾坐默默非
無全盛時寵愛如瓊枝月明有圓缺恩情中化離化離
何足道紅顏無常好昔爲園中花今爲路旁草路旁與
園中雨露亦復同時去自零落不敢怨秋風

車遙遙

車遙遙前引後復導路遠難相隨心遠常相照千里萬
里雙輪中去去來來路無窮燕南趙北太行險今時不
與古時同道自坦坦人自曲競駕輕車誇捷足君不見
登朱齋詩存 卷一 二

感遇

衆草當初夏芊蔚何參差鬱鬱覆晴原青青冒芳池春
榮不幾時秋風摧其枝始知植根薄浮華空矜持君看
庭前松猶與歲寒期

澹泊養之根勢力禍之隙蓬戶與朱門得失爭咫尺寶
劍斂其鋒珍禽戕於翼何如白鷗閒滄溟任所適

桃李門春姿梧桐委秋井天地本無私寒暑非初境所
遇各有時智巧奚足逞達人期任運夜遊燭須秉

大隄藉防川潰由一蟻穴君子慎其初舉念有必扶一

隙叢羣非名身與俱裂何當同死灰寸心無起滅

六鑿詎可攘四非嚴諸已莫以肌膚好而忘生疔瘡白
壁雖皎潔易遭青蠅淫矜全卽非全恃美或不美所以
賢達人惟期慎終始

墨翟悲素絲楊朱泣岐路本質不復存投足卽防誤二
子豈不賢害道終未悟害道而似道其言學之蠹折衷
於孔孟庶以正吾趣

夜雨

撫辰思曷極春暮感悠哉小閣挑燈坐猶聞夜雨來

理次案上書爲之豁然

鐙味齋詩存

卷一

三

理書如理髮髮亂使歸櫛顛倒萬牙籤獼祭殊無律前
十而後三有甲况無乙稗官與野史胡可共佔畢此當
別皮之譬如去蟻蝨今晨稍理次卷軸昭畫一題識盡
了然刮目金鑊密行沆薈薇露繙閱坐終日

春郊

寒煙冉冉草凄凄信步芳郊柳欲齊一段春愁何處寄
落花吹去鷓鴣啼

擬元微之微月照桐花詩用原韻

微月照桐花花月紛漠漠獨對影陰森香氣侵簾幕葉
翠掩苔深枝條緩風弱悵望今何時微雲淡林薄美人

隔遙夜綸袍遶卹削展轉倚欄干情懷中酒惡離愁黯
春煙笛聲起高閣高閣不可望桐花細細落

謁劉文烈公祠

忠肝亮節照萬春遺像肅穆森心神公是紅綾宴上人
時危致此七尺身熟聞殺身乃成仁恨不殺賊目猶瞋
紅袍都是血淚痕留愧後世貪生臣常山之舌雖陽餼
公之義烈真其倫敬采溪毛薦渚蘋凜凜生氣今猶存

馮烈女詩

吁嗟馮烈女許字張家賢墨車未及迎張子身棄捐烈
女探尋之矢志殉所天女身未適人六禮久已傳一死

銓味齋詩存

卷一

日

完白壁偷生愧黃泉酸風淒簾隙缺月窺廡邊吳綾三
尺長女心一寸堅弱質何足惜庶使綱常全觀者驚且
嘆戚黨咸涕漣父母痛女死肝腸若焚煎翁姑痛女死
福薄思已愆吁嗟女不死綽楔光九淵至今七里山松
柏鬱芊芊

柳絮

莫認漫空點雪痕惱懷天氣是微暄悄窺簾幕春人影
飄作關山蕩子魂幾日別來愁浩渺一生贏得性溫存
憐他風景淒迷甚撩撥芳心到酒尊

夜坐

寒窗無夢悄簾幃花影參差映竹扉知是西園明月上
一聲鐘斷子規啼

聞笛

斜月微雲秋徑深倚樓不覺暮山沉一聲何處梅花笛
吹出人間萬里心

題畫

濛濛細雨寒掩映千竿竹一夜聽無聲曉來春浦綠
蕭寺亂峯間斜陽滿江樹栖雲鎖寒流鐘聲杳何處
平沙秋雁行照影粲可數嘹唳一聲寒楚雲滿湘浦

清谿

登卡哥寺宇
日暮天宇澄獨遊清谿曲風吹夏木涼荷氣微相續適
此物外情悠然澹吾欲斜陽紅夢根清絕雙屬玉

南村

倚杖眺山椒荒郊日已暮淡煙橫墟落半暮溪邊樹亂
流有孤舟擊音入雲霧南村風物清對之欣所遇樵牧
皆幽閒林壑有逸趣結鄰此願足外慕非吾素

王蓮心松亭秋暮圖

塵壒塞胃如病痕垂帷終日書獨把何人持贈深秋圖
葛然坐我絕壁下我朝畫筆擅神奇最數婁東老司
馬墨痕化作煙雲飛萬象森森入爐冶想當欣然興到

處尺綃長縑任揮灑落古松龍攫挈青翠遠清孤亭
瓦奇峯割取太華雲裏奔泉萬丈瀉倚聽老翁仙者
流靜聽濤聲口微吟眼中絕無一點塵物外何須萬間
廬人間風日不到處樹態山容盡幽雅此齋似置邱壑
中坐對移時俗緣身青鞵布襪願須果徑往峯頭結蓮社

晚鐘

道心養空齋一鐘墮雲冷催起明月光搖搖顫花影

蟬

野樹含殘照新蟬不住鳴似嫌人意靜故作雨餘清抱
葉爭流響移枝尙費聲只愁螳臂在誰復惜微生

登朱齊詩序

卷一

六

卽目

小園雨初歇散步豁幽襟窗外夕陽澹嶺頭雲樹深委
心若水靜隨意依花陰何事密林裏多蟬風次吟

秋海棠

嫣然冷態自幽柔小樣紅妝倚畫樓夜半月明風露重
一簾疏影澹清秋

早鴈

長宵耿耿漏頻催新鴈迎涼去又回明月一簾閒悵望
斷雲秋水數聲來

蘆溪草堂

極目楓林霜葉紅草堂遙對野煙空一聲孤雁微雲外
人在蘆花夜月中

擬陶淵明秋菊有佳色詩用原韻

秋菊有佳色籬下泛其英心懷曠高遠悠然忘世情名
花如高士一壺相對傾寒林澹日影時聞歸鳥鳴優游
自閒放聊此慰平生

初秋夜坐

半彎斜月在簾鉤蟋蟀聲中歲又秋何處擣衣哀響發
一行新雁落蘆洲

雨夜有懷

登朱齊詩序

卷一

七

長夜思不寐漏響雨漠漠落葉打寒窗暗風透疎箔伏
枕數歸鴻終果前期約人生渾如夢離別意蕭索年華
空荏苒壯懷安所託惆悵秋英叢無數殘花落

秋柳

殘照西風孰繫驂細絲憔悴暮煙含銷魂最是秋江上
直接疎陰到漢南

擬昌黎秋懷詩二首用原韻

天末涼風起虛懷發深警名業遞昏旦未辭修途永守
約道所珍趨營吾戒猛譬彼短轡駒終日但繫綆高空
視浮雲息機差自幸安得行采芝聊以慰幽屏

四時自代謝惜哉秋夜景側聽百蟲吟仰視星河罔未
敢虛嘯傲頗復嘆萍梗鬱鬱戶樞間義和况馳騁古人
不可期此懷從誰請

羅兩峯畫梅

高人無媚姿落筆積朽鐵一枝橫乾坤照我太古月清
風颯然來吹凍羅浮雪

方九皋畫蘭

湘纍不死心寫入春光曉風葉何離披真香耐幽討靜
坐渾忘形空庭月皎皎

錢坤一畫竹

登味齋詩存

卷一

八

結廬無此君昔賢歎其俗槎枒出胷中清風已滿屋千
載論素心惟宜把騷讀

憚南田畫荷

菡萏幾枝芳寫生饒佳致軒靜來涼風屏幽足遐思不
見雙屬玉波間自游戲

夷門懷古

秋風匹馬過夷門僚底猶傳古隱淪壯士奮椎非報國
老臣畫策豈謀身奇功豔說能存趙高義終慙不帝秦
我亦停車思執轡酬恩何處覓斯人

登吹臺

落日秋風壯來登古吹臺地連平野闢城逼大河開文
譙當時盛悲歌曠代才無窮懷古意都付斷蟬哀

渡黃河

崑崙來萬里九月一浮舟浪捲西風闊帆懸落日秋壯
懷思擊楫短劍恥臨流何日乘槎去蒼茫問斗牛

大伾山懷古

風雨伾山縱浩歌西來如帶走黃河蒼茫翠接天容壯
疏鑿功資地險多雁沒長空秋浩渺城依孤嶂勢嵯峨
明朝擬上蘇門頂靜學飛仙老澗阿

訪大伾山道士不值

登味齋詩存

卷一

九

訪友雲深處夕陽紅照山但隨流水曲已入亂峯間黃
葉殘秋徑青松掩暮關主人何處去領略一庭閒

漳河

渺渺漳河水西風急暮流鄉心杳無際孤艇入殘秋

登樓

客懷消縱酒鄉思入登樓葉落山容淡煙寒野水愁塞
鴻千里月驛馬一鞭秋極目南天迴歸程悵阻修

落葉

霜天搖落黯魂消旅思羈懷并此宵無數秋嵐開北苑
多情瓊樹別南朝聽來酒醒燈殘後望到山程水驛遙

只有寒香餘老圃獨堅晚節翠難凋

俠客行

肝膽橫天地仗劍遊燕趙私怨奚足酬國讎誓必埽西風雪滿天獨臥長安道

放歌行

把酒對明月慷慨一放歌月明常如此人生知幾何不
放隙駒閑年華空蹉跎好花紛籬下綠竹亦婆娑予固
漫浪人醉後安知佗

早梅

氣轉陽和景物新連朝風色動青蘋暗香招我溪橋去

錢味齋詩存

卷一

十

獨賞蕭疎一點春

梅花

冰霜鬱花香賴有梅開闢直從大荒底透此一線脈數
點倚山寒一林映天碧相對意如何蕭然避世客

賦得春草碧色送別

草色碧如此淒淒入望賒當春生別恨送客到天涯翠
接離亭柳香繁使者車何須怨南浦雨露渥 天家

曉起讀漁洋詩

焚香下簾箔心靜如止淵不知春已至曉色忽喧妍梅
梢日初上萼蕾含朝煙昨夜催花雨添得溪水鮮此境

莫能道靜對漁洋篇雕飾歸自然那復著言詮

春晚田園

春色啼鶯老花光乳燕飛雨餘蒲葉嫩水長鯽魚肥晚
樹紅於畫朝煙白似衣但教欣賞徧風景莫相違

納涼

槐影初垂地藤陰欲過牆逢人多襍蘂此地自清涼對
竹洗塵慮繙書生妙香不須揮大筆高詠日初長

秋蟬

清氣蟬能得長吟意自由靜含千樹碧涼送一絲秋與
物元無忤於人最寡求高枝風露好寒早亦堪憂

錢味齋詩存

卷一

十一

讀汪鈍翁詩

詩以道性情先生本經術堅如百鍊剛油然古光溢鎮
日北窗閒迴環不忍釋後來果何人許入堯峯室

金錢花

露白風清落滿庭怪他姹女數無聲前身合傍紅閨種
慣聽深宵卜遠程

玉簪花

枝枝膩玉影橫階摘向秋簾次第排合是天孫初睡醒
碧天墮下水晶釵

牽牛花

古樹枯藤引蔓長一年一度占秋光也知銀漢相思苦
翠黛含愁不忍香

題趙鶴山偶存詩後

吾愛趙夫子遺詩清且敦名山絕業在天爵布衣尊擊
壤風能繼窮經學有源嗟予生已晚徒此仰遺言

題杜工部像四首

此老悲歌篤性情許身稷契見平生一朝詩筆垂惇史
萬古風騷啓正聲薦士不聞嚴僕射論文欲掩李長庚
滿腔忠愛關家國寂寞徒傷後世名

本是麻鞋謁帝身誰知歌哭老風塵艱難忍棄中興主

錢氏齋詩不

卷一

三

衰病惟思報國臣萬古雲霄漢諸葛三湘哀怨楚靈均
空傳薊北收諸將狂喜難逢故國春

同谷秦州總寓公百花潭水亦飄蓬無家弟妹干戈裏
多難親朋涕淚中詩賦飄零悲庾信功名寂寞老揚雄
極天關塞江湖闊誰識扁舟又欲東

撫公身世論興亡悵望千秋涕欲滂天寶亂階終屬相

陳邦詩國合稱王經天日月孤忠耿到海江河萬派忙
獨立蒼茫遺像在瓣香何敢拜蘇黃

蔣柳雨先生以萬朝岡指畫梅花見示

冷蕊橫斜冰玉姿禪參一指擅幽思清泠淺水黃昏月

忽憶前年夜雪時

盆梅

老樹無醜枝拳曲含峭直花少態逾幽清香溢四壁一
卷襄陽詩天然具高格美人來不來窗外雪盈尺

偶然作

器無論大小盈則罔不溢步無分遠近躁則罔不失古
人垂戒明今人乃自軼一旦蹈不虞欲退遂無術滿乃
損之基患每中於忽欲然若終身庶以保貞吉

烈馬迅疾風鈍牛舉步緩馳驟或更駕紆徐亦致遠人
以一日臻我乃十而踐循途苟不輟萬里亦可勉相彼

錢氏齋詩存

卷一

三

追風足一蹶反得蹇不恒或承羞銳進慮越隕諸葛稱
奇才一生但迂謹

春暮述懷

節序驚心暗轉移頻年客況短檠知怕看柳色眠還起
愁比春陰去更遲自怯登樓王粲賦不堪把酒沈郎詩
南雲極目情何限小立閒庭日暮時

送張受之先生下第還蜀

潦倒名場兩鬢斑飄零此日獨還山半生日下偏多恨
雙淚風前獨自潸別緒時繁春寂寂歸雲無際水潺潺
愴懷最是旗亭柳匝地長條不忍攀

重親絳帳夢都歡，忍向天涯送別鞍。
載酒何年重問字，著書此去勸加餐。
關河落日燕臺迥，山木連雲蜀道難。
聽到驪歌魂欲斷，杜鵑聲裏又春殘。

寓齋卽事

綠煙一樹午陰清，雨過南窗竹拂櫺。
好借碧流親滌硯，細磨元玉寫黃庭。

廣慈庵見月

我來凡十日，九日苦淫雨。
今夕開晚晴，清涼不知暑。
新月上東牆，皎潔光徐吐。
忽聞午夜鐘，搖搖向何許。
一聲定諸天，力可虛空補。
此心湛如月，相對了萬緒。

銓珠齋詩存

卷一

古

復雨

昨夕天乍晴，喜見林梢月。
漠漠雲復布，雨來不可絕。
雷電相砰訇，疾若萬弩發。
新湍逐殘瀦，階下江河決。
苔痕入簾青，展聲闐泥滑。
西望玉泉山，洗出嶙峋骨。

月

一片故鄉月，如何客裏看。
流輝同皎潔，照影倍清寒。
葉落驚秋早，紈疎覺暑殘。
今宵眠不得，砧杵徧長安。

王荃心將人閩索畫楓葉秋花詩意賦此報謝卽

以贈別

右丞佳句足風流，又策征驂事壯遊。
木葉無邊連驛路，

嶺雲不斷入閩州，瀟瀟別思三更雨。
瑟瑟寒煙一幅秋，從此登樓休極目。
荻花楓葉不勝愁。

雨夜

小閣閉書幌，風光歲不同。
秋心驚蟋蟀，涼意動梧桐。
客况孤燈裏，愁懷細雨中。
潺潺聽不住，伏枕數歸鴻。

作客

作客秋將暮，懷人雁到初。
雙魚久不達，歸計竟何如。
遣興時尋酒，驅愁半賴書。
漫吟閒徙倚，聊復到前除。

與葉七夜談

短鋏滯長安，西風對月彈。
歸期何日是，秋色又闌珊。
獨翦山窗冷，雞鳴客舍寒。
故園今夜菊，珠露已盈團。

銓珠齋詩存

卷一

五

送葉七入秦

憐君不得意，九月下西秦。
木落潼關壯，秋高華嶽新。
那堪遲暮客，翻作別離人。
更盡一杯酒，無言淚滿巾。

都門寄友

斷雲擁樹少鴻鱗，一別天涯秋復春。
寄與故人消息好，敝裘贏得酒痕新。

新店曉發

驛路何綿邈，晨寒星欲稀。
疎林穿去馬，曉月上征衣。
雨足麥苗潤，春深柳葉肥。
行程忘遠近，山色漸熹微。

趙北口道中

野渡深如許，淅澗抱客程。湖天凝澹沲，春水半陰晴。岸靜花窺鏡，人稀鳥雜耕。板橋連十二，處處晚霞明。

途次口占

一夜淋漓雨，征途復送春。啼鵲休太苦，馬上有行人。野水濃于酒，炊煙白似雲。數家圖畫裏，乳鴨自成羣。

鴈北歸

春去秋來兩度飛，迢遙雲影望依稀。年年憐汝家何在，纔道南歸又北歸。

種花

鍾味齋詩存

卷一

六

我抱愛花心，不啻愛百穀。種之當以時，趁此新雨足。植根要深培，壅幹須細築。婆娑生意存，靜對覺吐馥。養虛乃說性，驚華徒殉俗。幸已賦歸來，荷鋤看叱犢。力耕有餘閒，栽花繞吾屋。

鋤花

野鳥喚人起，及時荷花鋤。既種亦已活，滋蔓尤堪虞。此族工攀附，邪盛正乃孤。去邪以輔正，汲汲慎芟除。勿使疾惡嚴，放手傷根株。課僕終朝勤，嘉植乃扶疎。曠然燭物理，人事亦相如。不見清風至，衆芳色敷腴。

慎言

勿謂素絲微，既緇悔何及。勿謂白璧完，既玷莫能匿。君子慎其言，括囊占易則尚口。道以窮躬行，譬其德無言。卽有言知白，乃守黑大音。本希聲，吾亦安吾默。

漫興

西園久未至，樹綠草如茵。最重添新雨，鶯嬌惜暮春。古今過客夢，天地苦吟身。何事升沈卜，吾生自有真。

王郎畫松歌

王郎畫松如畫龍，鱗而天矯蟠蒼穹。王郎畫山兼畫石，倒挂枯松一千尺。渴蛟奔澗駭欲脫，鐵鑄孤根繫絕壁。畢宏不作張璪死，磊落王郎繼奇迹。生絹懸壁一丈長，

登朱耆詩存

卷一

七

王郎捉筆森光芒，斫取深山老虬骨。盡挾雷雨來虛堂，是時天半行赤日。火繖張空汗流血，王郎解衣亂塗抹。腕底生螭怒飛出，但覺山精不魅生。捉人滿座趨藏兩，股慄孤幹直走青天濤。折枝橫空大食刀，陰森似含太古雪。細縷削鐵分毫毛，王郎此畫世莫睹。下筆疑于鬼神怒，勸君卷卻萬丈秋。只恐日日飛風雨。

蟋蟀

蟋蟀最微細，偏知應候吟。潛身依月色，殺氣出商音。能動離人感，常含壯士心。階前吾不惜，畏爾戟鋒森。

讀陰符經

莫楚朝秦策士工功名富貴一編中陰符祇是縱橫術
孤負磻溪九十翁

和王漁洋秋柳詩元韻

秋江入望黯消魂一樹斜陽畫掩門瘦夢醒來惟淚眼
畫船歸去賸春痕澹煙遮斷林邊路疎影低垂水上村
聽到琵琶商婦怨荻花楓葉不堪論

朝來鴛瓦有新霜無限離愁黯去塘纔逐花風縈客騎
又牽蘆雪上漁箱金城憔悴人懷庾玉塞飄零曲怨王
最是月明風露冷擣衣砧在永豐坊

新寒渾欲絮征衣夢裏溫存醒後非錦樹書沈波浩渺
銜珠齊詩存 卷一 七

白門秋老影依稀一鞭古驛斜陽冷幾點樓雅落葉飛
灑盡瑯琊司馬淚不堪風物又乖違

天涯何處不堪憐極目關山總暮煙人去灞橋添悵惘
魂銷玉笛爲纏綿栽來鄂渚思前度唱到陽關又隔年
最是一丸霜月瘦伶俜扶影鏡臺邊

題紅葉小景

霜杪參差望幾重斷橋籬落水雲通披圖又道春光曉
紅掩柴門夕照中

雁

又見南飛雁長空一字浮影迷關月冷聲斷浦雲稠黃

葉千重路清霜萬里秋京宵正無寐流響使人愁

蚤

非關有不平切切感秋鳴蓄意禁霜冷含愁訴月明倍
添三徑悄直釀一宵清何處寒砧砧苔深闥動別情

偶至西堂

散步到西堂幽賞欣所遇碧苔上衣襟秋花燦階樹景
物如此清悠然還得句

聞友人話廬山諸勝輒賦長歌

匡廬天下奇惜未識真面聞君抵掌談似已探奇徧爲
言中有匡君廬危峯亂插翼軫墟南揖衡嶽北岱輿長
銜珠齊詩存 卷一 九

江萬里束縛如溝渠千丈玉龍破空出就中谷簾推第
一人間炎熱不敢侵飲之卽是長生訣峯峯拔起勢入
雲香爐一峯尤嶙峋下視衆峯皆子孫到此一覽真奇
險俯視列城煙幾點其下香臺號鬼工遠公法派稱禪
宗紫陽遺跡白鹿洞講學當年傳道統石壁雲居那足
論斯文萬古名山重君如海客談瀛洲使我意氣凌九
州我家梁園近鞏雒曾經齊魯瞻靈嶽北觀黃河登大
伾布韞青鞵徧燕朔性於山水獨不廉普將四海窮巉
巖匡君匡君與汝約泊舟會向潯陽郭飽看瀑布願始
酬山徑休教雲塞卻

登甘露寺塔

萬里平原眼界開，此身渾欲出塵埃。
千尋嵩嶽雲中見，一線黃河塞外來。
秋色蒼茫迷汴水，西風搖落廣繁臺。
可憐五季興亡恨，都付斜陽畫角哀。

菊

秋光一片雨初晴，看到東籬景倍清。
不是此花堪寶貴，買絲還擬繡淵明。

錢朱齋詩存

卷一

二十

錢朱齋詩存卷二

古儀曹宗瀚風樵

春夜西曹直宿

清才誰繼鄭都官，王李風流亦莫攀。
四川司印白雲樓王荊州李滄溟兩先生談詩數教在寬達，主聖得情勿喜軫。
舊址也民頑述懷多感年，頻易寬句難工字。屢刪兀坐虛堂夜，將半一簾

明月訟庭閒。

竿植金鷄赦屢行如天，帝德溥生成。
嘉慶庚辰道光辛巳俱大赦

官多曠職緣刑措，民自無冤驗法平。
讀律敢貽筐篋誚，吟詩長和柝鈴清。

皆頭昆腳何曾夢，自愧無才富寵榮。

錢朱齋詩存

卷二

退衙作

政簡官多暇，春深日漸長。
爲郎笑拙作，郡送人忙樹密風。
皆綠花繁雨亦香，放衙無一事。
詩句誦羔羊。

東花寺看牡丹，同馮晉魚龐子芳端木蘭軒。

久憶招提境，城南並馬遊。
花濃偏戀客，春到不成愁。
地僻禽魚樂，林深鐘磬幽。
西來無限翠，一帶遠山浮。

楊花

生性溫存欲化綿，麴塵如夢賣錫天。
春光飄蕩過三月，花事迷離又一年。
斜徑蝶飛晴日雨，短亭人恨夕陽煙。
是誰吹動東風笛，萬點離愁傍畫船。

春日奉懷六君子

早歲飛聲噪兩河如君懷抱竟蹉跎從來文字干猜忌
須信功名歷折磨畫趣默參春雨細詩情常把惠風和
柳枝遺響何人嗣引領梁園一放歌

右錢杏君

茫茫人海賞音稀一劍飄零踏雪歸范叔誰憐寒至此
卞和空自淚頻揮十年屈指新愁積萬事回頭舊夢非
何日西窗重對榻春山一幅展晴暉

舒珊歸時許以春山紅壁圖見贈

右劉舒珊

客裏頻登送客亭交遊此地已晨星知君自有七年病

登床齋詩存

卷二

二

愧我曾無千歲苓百首新詞風爛錦千秋絕調雨淋鈴
遲雲精音律維摩丈室何人問爲報梅花香滿庭

右毛遲雲

軒軒似鶴立鷄羣空抱連城欲獻君破浪久懷宗慙志
長安誰市馬卿文他鄉鬢髮愁催老故國鶯花句策勛
南望豹陵春似海有人倚杖看溪雲

右栗陶雲

叔寶神清玉樹森每懷高誼想苔岑曼容願小甘卑秩
毛義風高有遠心等是浮雲何得失從來宦海有升沉
寒梅此日著花未莫遣飛鴻滯遠音

右周潤甫

諸公袞袞盡飛聲萬卷填胸太瘦生震俗才名陳伯玉
妙年詩賦庾蘭成一簾花雨愁人思千里關河旅客程
幾度盍簪喧櫪馬東風吹動別離情

右傅曦中

陶然亭口占

白蘋紅蓼水鄉秋獨上江亭一名江亭豁遠眸西望玉泉山
似畫數峯青出女牆頭

雨後斜陽晃綠紅新涼如水見來鴻秋心一點殊清絕
搖漾殘荷衰柳中

登床齋詩存

卷二

三

尺五園

百萬緇塵中車馬無停趾天街夏初長辛苦誰藏子避
囂到城南地僻遠城市去天雖尺五隔以一溪水入門
清且幽曠若山林美石奇透玲瓏地淨滌塵滓林綠淡
如煙亭陰薄于紙脩竹翠成帷菱荷香滿几日影行樹
梢苔痕上屐齒花徑悄無人炎氛靜如洗時聞灌園聲
聲出綠雲裏此境非世間使我塵慮委何必南皮遊浮
瓜復沈李坐久澹忘歸一鳥喚人起

立秋

一葉忽飄影連朝風雨頻宦情如水淡詩思入秋新殘

暑戀高樹嫩涼生綠茵登樓驚序變惆悵遠遊人

蟋蟀

夜深人語寂涼月對孤檠萬象澄三徑千蛩并一聲本
因秋氣肅翻使客心驚霜鬢看如此還鄉夢不成

哭陶子愚

允矣陶公子家聲克象賢生才必有用齋志竟無年夢
久惹親繁魂空弱女憐姜肱兄弟篤庶足慰重泉

過子愚故居

應劉傷逝後重過此園林曲徑午煙寂閒庭秋草深花
含今雨淚松牕歲寒心何必山陽笛思君幾度吟

錢味香詩存

卷二

四

錢大杏君以折枝圖索題卽送歸汴

生綃一幅態天斜折柳聲中醉折花到日披圖應一笑
香風千里客還家

獲鹿縣

辨色上封龍登車徹四壁要令面面山奔轅展良觀
繚曲迷羊腸坡陀滑龍脊俯壑欲趁人出雲又招客十九
童其巔積空石氣碧怪凸復險凹坦夷無咫尺人間塗
多窮世外路亦窄不知日幾里前履皆後迹歸雲擁山
村斜陽澹將夕

常山道中

衆山伏又起天矯如生龍千里一掉尾鱗鬣盤太空我
行已五日探歷未能窮矯首望不盡險怪無雷同連青
劃中斷一線石腹通失勢忽陡落首尾無由蹤橫空插
巉巖招我上前峰前峰不可上迴旋白雲中尻輪苦顛
播起立時鞠躬累息登其巔衆山失穹窿煙雲信浩蕩
始覺燕趙雄

固關

上坡突兀下坡陡終日山光在吾肘崎嶇上下徑欲窮
突兀雄關踞其口關如彈丸天際懸扼隘爭奇地勢負
上山迤邐不見山到此直可捫星斗一線迴環如蟻旋

錢味香詩存

卷二

五

盤空惟覺天風吼飛鳥欲絕清猿愁山如毒龍掣鎖走
古稱天險資控制晉趙山河列戶牖一夫當莫萬夫開
劍閣崢嶸此其偶我聞地利不足恃王者在德險則否
徒令終古嗟雄傑閱盡興亡亦何有

井陘縣

雨雪悲行役停車古道周衆山圍縣立一水抱城流驛
路穿雲曲人家聚岸陬從來爭戰地落日暮煙稠

出平定州

十里出城闔豁然開異境履險化爲夷安車竊自幸綠
樹弄春煙斜陽淡夕影回首萬峯青插徧白雲頂